



## Ассаламу гҗялайкум! **БАРХЪДЕШЛА ГЪУНИ**

**РАЙОННА ЖАМИГҖТЛА-ПОЛИТИКАЛА ГАЗЕТА**

№ 1 (81310), ЯНВАРЬЛА 1, АРБЯГІ, 2020-ИБИЛ ДУС. БАГЬА 4 КЪУР.

«Путь истины»

1938 ИБИЛ  
 ДУСЛИЧИБАД  
 ДУРАЙУСИ САБИ

ОСНОВАНА  
 В 1938 ГОДУ

**У ЧРЕДИТЕЛИ:**

Администрация МО «Акушинский район»  
 МБУ «Редакция газеты «Путь истины»  
 муниципального образования «Акушинский район»  
 Акушинское районное Собрание депутатов.

### «АХЪУШАЛА РАЙОН» МО-ЛА БЕКІ МЯХІЯЧ КЪАДИЕВИЧ ГҖЯБДУЛКАРИМОВЛА **МУБАРАК**



Хиб гьарбизуни шила хозяйстволла, багьуди кайсахьнилла, жагьилтала политикала, спортла, мер-муса кьулайси агиличи дуршнилла, багьудила учреждениеби сагадирнилла шайчир. ГҖяҗицад адамти гҖибратли беттаур шантала уржибдешла, вегҗла мер-мусаличи урки изахьес балнилла шайчиб.

Ахьушала район мурталра цархилтас гҖибратли буибси саби. Ишад дурабухьунти саби, хабардерхурси Ахьушан ГҖяли-ХҖяҗичибад бехҗибхили, гҖилмула гҖялимти, пагьмучебти учительти, тухтурти, поэтуни, писательти, Ваҗайс мардеш ва гьабзадеш чедаахьибти гьубзни, бузерила игитунни, сабурла ва яхҗла адамти.

Вирхес дигулра Аллагьла икьайчибли Сагаси дус уббулхьниличи даршуси, баракатчебси, район гьалабахҗ башахьес багьанданси баркьудилизир лерилра цадиубси бетарниличи!

**ХҖурматла районна халкь!**  
 Арбьякун гҖямрула ца гьатти дус. Ил дуслизир нушазивад гьарилла гҖямрулизир диуб разидешла анҗбукунира, кьадардиуб анҗкьидецҗра, диуб хҖяҗичилизир сархибдешунира, бекҗдарес хҗедиубли уркалунтира. Сагаси дуслизир дигулра лебтасалра гҖяҗис арадеш, хьулиб баракат, шимазиб цабалгундеш, хҗушала гҖяҗити кьасани детерхьес ахьри диубли!  
 2019-ибил дусли районнис

### РАЙОННА ДЕПУТАТУНАЛА СОБРАНИЕЛА ПРЕДСЕДАТЕЛЬ ГҖЯБДУЛЖАЛИЛ АБАКАРОВЛА **МУБАРАК**



чи бирхауди бихьнилис, кьайгь бириб бирхауди марбарес, районна халкьлиб кьяндухьунти масьулти ирзнилизи виубсигьуна пай кабихьес. Дила уркилизиб разидеш бирар цархиллиб кумеквиэс бикалли, ца биалра адамлизи баркалла ахьес виасли. Лерилра цадиубли, уркичерли дузахҗелли нушаб имканбикҗур Ахьушала район гьалабахҗ башахьес, районничила гҖяҗити-цун хабурти ахьдирахьес.

Вирхулра районна депутатунани ил баркьудилизи мягҗничебси пай кабирхьниличи!

Нушала машгьурси район гьаттира уржибсила, низам-зегьа дихҗес бажардибиркусилли беттахьес, халкь разили биэсли дузес кьайгь бириб хҗе!

**ХҖурматла избирательти!**  
 Урки-уркиларад мубаракдигулра хҗуша Сагаси 2020-ибил дусличил! Дигулра хҗушазивад гьарилла хьулир цабалгундеш, баракат диубли, хҗуша арасагьли хҗердиубли!  
 Нуни дила шайзибад гьачамгьатти баркалла балахьулра наб-



### ДАРГАС, ДАРГАНТАС ДЕЗА

Ахьдуца ахь-ахьли  
 Бурги, дила дарганти,  
 Дагьистан хҗулкҗахьути  
 Сабурла дубурланти!

Дарганти хҗейгутала  
 Пяҗидиэсли пухҗлуми!

Ишдусла кҗелцад чихьти  
 Гьунартани дагьарти,  
 Анҗкьидецҗли цалалра  
 ГҖя-дякь хҗедагьарти!

Дячхҗядячи калесли  
 Узидешла дуклуми,  
 Даршули хҗердиэсли  
 Даргазир лерил шими.

Сагал дуслизир хҗуша  
 Мурадличи даарти,  
 Чевсила уркиецҗила  
 Пай хҗушачи баарти!

Дахьдикҗаб датухьунти  
 Мукьри ва сяхҗбатунни,  
 Гудурдикҗахьаб хҗурхьни  
 Даргала делхьанани!

Сириби гарддирули  
 Лайлаби ахьдикҗарти,  
 Сигани детахьили  
 Сабур-яхҗ лямҗидухьарти.

Цаймадухьаб гумайти  
 Диҗлибти масхуртани,  
 Дарга гарч-гарчли биҗлаб  
 ГҖяҗлацун хабуртани!

ГҖяҗити ибти лерилра  
 Пикруми дартаарти,  
 Дигира гьалмагьдешра  
 Цаакьдикҗули каларти.

Ахьли зяйбухьахьена  
 Шадси даргала далай,  
 Бакьили хҗулбукҗесли  
 Дарайгьуна гҖярасай!

Ахьдуца ахь-ахьли  
 «Дерхьаб» или пигьлуми,

**М. Мяхҗямадов,**  
 ДР-ла культурала урибси хҗяҗичизар,  
 поэт, журналист.



# САГАЛ ДУСЛА БУРХИНАЗИР

## БАЙРАМЛИЧИ ХІЯДУРДЕШ ПИКРИБАРИБ



Суратлизиб: М. Исмягилов совещание дурабуркІули.

Районна администрация-лизиб Сагал дусли байрам дурабуркІниличи барибси хІядурдешла хІекълизибси суал хІербариб. Совещание дураберкІиб районна бекІла цаибил заместитель МяхІяммад Исмягиловли, суненира бекІдеш дируси къияндулхъути тяхІяркъяйда ва цІа дикнила анцІ-букъуни хІедиахънилизиб бузуси районна комиссиялис.

ЦІа дикнилизиад мяхІкамдеш сен-сен сабил, пачалихъла инспектор М. ГІябдуллаевли районна учреждениебазиб, организациябазиб, школабазиб, организациябазиб ил шайчиб барибси хІянчиличила буриб.

--Сагал дуслис хасдарибти балбуцуни дурадеркІес гІягІнибиркур цІа диркнилизиад чебетаибси мяхІкамдеш гІеббуцибти мераначирцун. ЦІа диркнилизиад мяхІкамдешлис чули жавабкардеш дихути хІянчизартира декларабарили биэс гІягІнибиркур.-буриб М. ГІябдуллаевли.

Районна администрацияла пресс-служба.

## АХЪБИКІАБ ХІЕЛА ПАГЪМУ, ГІЯЛИ-АСХІЯБ!

Сагал дус сабаэс чумал бархІи калунхІели редакциялизи ухІнаухъун дахъал дусмазив жавабла хІянчурбачив узули калунси, районна газетала редакторлара хІянчи дарибси журналист, Даргала бегІлара пагъмучебти поэтуназивад ца, гІергъити дусмазив Ахъшала 3-ибил номерла урга даражала школализив учительли узуси, районнизив хІурматла адам ГІяли-АсхІяб МяхІяммадов.


--Се бурес дигахъади районна халкълис Сагал дусли хІурматлис?—хъарбаира ГІяли-АсхІяблизи.

--Нуни гъар бархІи дарс бекІ-бихъес гъалаб дурхІнази ирули вирус: «ХІуша школализи ляркъухІели яра чардиубхІели, алавчарли хІеръиреная, чилра левал кумекличи хъарси,--ухъна виэс вирар, някъбазиб декІси секІал лебхуси хъунул адам ризэс рирар, зягІипси къаршиикес асубирар,--кумекличи музадулхъеная! Адамтани хІушабра баркалла иру, хІушала бегІтасра!» Сагал дуслизир диаб или бурес дигула гъарил хъулир цабалгундеш, баракат, дурхІни гІяхІси бяркъличил халабиули, дурхІни

багъандан бегІтани баркалла сархули! Калаб шилизиб—уржибдеш, районнизиб—паргъатдеш, улкализиб—даршудеш!

Дахъал пагъмучерти произведениебала автор, философия бархти назмурти лукІуси поэт, гІяхІси адам, хІурматла ГІяли-АсхІяб, нушабра дигула Сагал дуслизир диубли ХІедра ХІед ахІертасра арасагъти гІямру! АхъбикІаб хІела пагъму, разивираби хІела дурхІнанира, хІуни бучІахъутанира!

Районна газетала редакцияла хІянчизарти.



ХІурматла районна халкъ! БегІ гъалабси яргалис, хІуша Сагаси дусли байрамличил уркІи-уркІиларад мубаракдирулра. ГІямрулизиб талихІ, гъарилла юртлизиб баракат биубли дигула.

ХІушазибад гъариллис, дила пикрили, акІубси шира, шантира дурхъати

## ХІУШАБ САВГЪАТ—РАЙОННИС ХАСБАРИБСИ ЖУЗ

саби. Гъарил шила история давлачебси саби, шантала гъаларла гІядатуни детихъути ахІен. Илди наслубачирад наслубачи диули багалатили кавлутисари. Ил секІал пикрилизи касили, ну гъанна дахъал дусмазив районна гъарил шила история гІядатуни руркъули, нушаб ва чеалкІути наслубас багаласи районничила тІинтІси жуз цалабахъес узулра. Ил шайчиб ахІерти районна халкъ, хІушазибад наб кумек хІяжатли саби.

БегІ гъалабси яргалис, асубирар нуни хІебалули ургаб калунти хІурматла адамти, леббизэ асубирар илди бизэ бирар хІунтІена партизанти, ЧебяхІси ВатІа даятала бутІакъянчиби, Бузерила ветеранти, бахъал дурхІни абикурти нешани, ВатІаис мардешличил бузули черяхІти наградабачи лайикъбикібти адамти.

Гъарил шила гІядатуни, гІяхІти баркъудлуми лерти сари. Илди чилара хІушани ункъли бала или гъанбиркур. Лер шимазир гІибрат-

черти хъалибаргуни, спортлизир чедибдешуни сархибти спортсменити, поэтуни, писательти, бахъхІила учительти. Дила пикрили, арагІебли районнис хасбарибси жузлизир илдачилара белкІани ва суратуни диаллири лайикъли бири. Илбагъандан тилади саби, гъар шилис хасдарибти белкІани делкІи, жуз цалабахъяхъичи, илдачила бурути белкІани набчи, яра районна «Бархъдешла гъуни» газетала редакциялизи датагъни. Ил шайчиб кумек акІахъубсиллис савгъатлис цаца жуз пешкешдарили дирар.

Районнис хасбарибси жуз камти харжанала ахІен. Амма ил нуни дила цІакъличил дураахъес пикрибарилра. Ил шайчиб кумекла вегІ дакІуухъалли баркалла эс хІядурлира.

Иш сагаси дуслизир ил жуз хІушачи баахъес къасбирис.

М. З. МяхІяммадов, дурала улкназиб хІербирути нушала адамтачил бархъас бузахъу-

си «ВатІан» бикІуси Ассоциацияла президент.

Х Х Х

Дугъабизла авторличила къантІкъантІси белкІ.

МяхІяммадов МяхІяммад Зайнудинович ахъушан, вахъхІила тухтур Ханзахъала Зайнутдинна урши сай. Гъаланачи ил Ахъушав райПОлизив узули калун ва гІур МяхІячкъалализив декІар-декІарти хІянчурбазив узи.

Даргала писатель, переводчик, востоковед, Дагъиста Писательтала ва журналистунала Союзла член сайси илини чумал жуз делкІун, бучІантаци даахъиб.

Дагъиста культура гъалабахІ башахъес багъанданти илала къайгъни чехІедаили кахІелун--ХІурматла грамотабачил ва дипломтачил чуйнара наградитьвариб.

Ва, хІера, гІур илис Россияла Президент В. В. Путинни сунела уличилси сгІят бедиб.

## БЕРХЪАБ, РАШИД, ДУБРИКУНТ!



Иргъулри цашантала ЦІумъалара дарданра, Агара бекІлил хІезир Рашид, къянара къалпра.

Шилизиб, шанти-ургаб Уржибдеш каммабиаб, Гъими-къяс ва дардани КІантІкадикІули дацІаб.

Сагал дуслизир хІела Пикруми гъаркадизаб, Ери-юртлизи, Рашид ГІяхІла хабурти дихаб!

Ишди тугъи сагал дусличил мубараквирули иш суратлизиб хІушани чейуси Дубримахъила шила администрацияла бекІ

ГІялиев Рашидлис хасдарибти сари. ГІе, Рашид илгъуна дезаличи лайикълира сай.

800-цад хъалибарг, илдазиб 2400 адам хІербирули саби ишбархІи Дубримахъилизиб. Илдала челукъути масъулти ирзули, гъарил дугъаизурси разивиахъес къайгъилизив чезэ вирар ГІялиев Рашид. Шила администрацияли ил викІила халаси -декІар замана арбяхъи ахІен. Амма шилизир шантас багалати гІяхІцад хІянчи дарахъес бажардивикиб Рашид. БегІ гъалабси яргалис, шила администрацияла, культурала Юртла, школала, медпунктла хІянчи таманни къяшмачи тІашдатур, гъундури ункъдиахъести

тяхІурти далдуциб. Арбяхъунси дуслизир Рашидли дирути хІянчи районна администрациялира чехІедаили кахІелун ХІурматла грамоталичил наградитьвариб.

--Наб,--викІули сай Рашид ГІялиев,--Сагаси дусли байрамличил дила шила шанти, арагІебли районна халкъ уркІи-уркІилабад мубаракбарес дигула.--Гъариллис диаб талихІчерти гІямру!

М. МяхІяммадов.





# ДИАБ БАРАКАТ, ТАЛИХІ!

Районна адамти--МяхІячкълализиб

## ХІУРМАТ БИХІЕС УСТАДЕШ



Суратлизиб: З. Бутаевани ХІурматла грамота бедлуғули.

Биклули бирар, хІурмат сархесличибра ил бихІес кыянси саби или. Ахъушала шилизив аклубси ва халаваибси, гІергъити 35 дус МяхІячкълализив хІеририси ва узуси Маллаев МяхІяммадличила биалли я шилизиб, я шагъарлизиб чилилра вайси гъай бурес хІейрар.

--Адамдешла, адамтачил валикес балнила шайчиб наб гІибрат сабри дила бегІти,--викІули сай МяхІяммад,-- Дила дудеш ШяхІбан Маллаев адамтани баркалалачил гъануршули сай, чизилра гІяйиб хІебарахъили хІерриубсири дила неш Аминагра. Набзирра лерти ахІен цархІилгачи гъими-къяс, хІейгахъис гъай мез. Дигахъис набчи хъарси хІянчи чебетахъили таманбарес, хІейрус адамлис децІагеси бурес.

Вархъси, хІялалси, держ, папрус хІедузахъуси ва адамтачи дигиличил хІерис балуси МяхІяммад, чум дус ардякъи диалра, гъаннара гапличил гъануршули сай Дагъиста пединститула художественно-графический факультет таманба-

рили гІергъи сунела бузерила гъуни бехІбихъибси Ахъушала кІибибил номерла урга даражала школализив.

Чумал дус Ахъушаб хІянчи барили гІергъи МяхІяммад МяхІячкълализи арякъун, Дагъиста радиокомитетла даргала редакциялизив узес вехІхъиб, вахъІагарли музыкала передача-бала редактор вариб. Илкъяйдали, МяхІяммад Ахъушавад цаибси адам увухъун художественно-графический факультет таманбарисси ва республикала радиокомитетлизив редактор ветаурси.

--Художественно-графический факультетлизи керхес итхІели гъамадси ахІенри, халаси конкурс бири. Наб кумекбиубсири ВагІайс къуллукъбирухІели касибси баркаллала кагъарличил хъули чарухъни. Нушала часть Германиялизиб сабри, Потсдам шагъарлизиб, гъаман дикутири Берлиннизи, мякъларти цархІилти шагъуртази. Гъандиркули дири кинобазир чедаибти, даятала бутІакъянчибани дурибти анцІбукъуни.--бурули сай Маллаевли.

Радиокомитетлизиб 10 дус хІянчи бариб, даргала лерилра районтази, дахъал шимази ваиб, 600-цад адамличила белкІани дарили, радиола фондлизи дедиб.

УрчІемцІаибти дусмала ургайчиб, улкала гъар чинабалра къяйдали, радиокомитетлизибра узес къянкабужъун: транспорт агарбиуб, алапа камбиуб, илра заманаличиб хІелуганбиуб.

МяхІяммадлис радиокомитетлизиवाद арукъес чебуркъуб, унза-улкъай дируси цех абхъили, узес вехІхъиб,--институтлизиб касибти устадеш манпагІятдиуб. Чумра адамлис, мижитуна, мадрасабас унза-улкъай, ганзухъуни, цархІилти урца ваяхІ дариб МяхІяммадли. Илала устадеш чедаибгани цали цализи бурули, чус гІягІниси хъарбарес бахъал адамти башутири. ГІяхІси устачила хабар аргъили, МяхІяммад къумукъла, ГІялим-Паша Салаватовла уличилси театрлизи

узахъес живариб ва гъанна гехІел дус декорацияби дируси мастерскаяла заведующийли узули сай. ГІяхІси адам ва пагъмула вегІ уста сайливан ишаб МяхІяммадла халаси хІурмат биру. Гъалабван биалли разиси анцІбукъ кабикиб: мартла 27-личиб дураберкІибси культурала хІянчизартала БархІилис хасбарисси шадлихъличиб ДР-ла культурала Министерствала ХІурматла грамоталичи лайикъбикибти --ургав Маллаевра леври.

МяхІяммадли сунела кІелра рурсилизи чебяхІси даражала багъуди касахъиб, кІелра школализиб бузули саби-- нешла мезла ва Англияла мезла дурсри кадирхъули. Илдала нешра учительница сари. Урши Шамил заочно учІули, узули сай.

-- Пединститутлизиб учІухІели дахъал шагъуртази ваира. ГІяхІил бучІути студентуни декІар-декІарти шагъуртази экскурсияличи бикутири. Илкъяйдали вашули чедаира Москвала, Ленинградла мер-муса ва музейти, калунра практикаличив «Артек» ва «Орленок» лагерьтазив, чедаира Краснодар, Туапсе, Киев, Ростов, Ставрополь ва ГІурра чумилра шагъар.--бурули сай МяхІяммадли.

--ХІу, дарган адам, къумукълантала ургав сен-сен валиркули, илдачил варх узес къянбулхъулив?--хъарбаира нуни.

--Бархъли бурасли, дебали гІяхІси, уржибси, санигІятлис уркІи-уркІилабад марси коллектив саби. Набчил барх бузути леб кІарахъантира. Дила хІянчи къиматлабирули саби, гІяхІси гъай бурули, гапварили, уркІичеввирула.

ГІурра уркІичевли узахъес Аллагъли арали ватаби хІу, хІурматла МяхІяммад ШяхІбанович!

Н. Ванатов.



## ЖАВАБКАРДЕШ АРГЪИБСИ

ли саби--учительти уркІичеббарес сен-сен вирарал.

Усишала шилизирти багъудила хІябалра учреждениела бузери, гІалабуни сецад цІакъдикІули диалра, мурталра ахъси даражаличиб бирни--пахъубареси анцІбукъ саби. Илбагъандан хІябалра директорличила дахъал гІяхІти делкІес вирар. Илдазивад ца--хІябйибил номерла школала директор Набигулла МяхІяммадович ГІябдусаламов ишди бурхІназив районна газетала редакциялизи вакІибхІели «Сагал дусла номерлизив гапварес ца гъатли гІяхІси адам къаршивикиб» или пикрибарили, илгъуна анцІбукъ пайдалабарра.

Набигулла МяхІяммадович багъуди кайсахънилизив узули сай 33 дус, гІергъити вецІал дус--школала директорли. Касили сай чебяхІси категорияла директорла ва Россияла Федерацияла багъудила отличника уми. Сунени кабирхъуси математикала предметла шайчиб гІяхІти багъуд-

лумачил декІарабулхъути, олимпиадабачил гъалабиркути, математикала учительла санигІят касибти леб.

--Набигулла МяхІяммадович, хІела пикрили, се саби школала директорла хІянчилизиб бегІлара мягІничебси? Илгъуна суайс жаваб ГІябдусаламовли ишкъяйда чарбатур.

--Директорла хІянчилизиб, дила пикрили, мурталра, сезаманалра бегІлара мягІничебси саби жавабкардеш аргъни--школа багъандан, учительтала гІямрула тхІяркъяйда ва бучІантала челябкъла багъандан. Школала директоршантала пикрила дайлавлси адам сай ва иличиб чебли бетарули саби гъар шайчив гІибратли виес.

Школализиб бучІути 120-цад урши-русила къисмат сегъуна бирарал--школализир илдани касибти багъудилизирад ва бяркълизирадра дигахъути диъниличила хъумхІертули узуси директорличила сунела пикри ишкъяйда буриб багъудила ва спортла управлениела

методкабинетла заведующая Кумсият Булатовани:

--Чеветаибси адам сай Набигулла МяхІяммадович,-- сунечи хъарбарисси заманаличиб биру, гІалаббириси къанхІебирахъу. Директорла гІяхІси кумекчира лев, ИКТ-ла шайчивси заместитель ХІянаев Арсен, суненира дебали гІяхІил хІянчи балуси. Дила шайзибад сегъуналра гІяйиб бурес хІеририс ГІябдусаламовла хІянчила чебас.

Директор баркаллаикІули сай школалис даим кумек бириси Усишала шилизивадси предприниматель Къ. Къурбановлис, сунела къайгъиличил школала алавчарти мер-муса къулайси агиличи душибси. 2020-ибил дуслизиб «150 школа» биклуси программализи школа каберхахъес документуни хІядурдирули диъниличилара буриб.

Сагал дуслизибра чилилра гІяйиб чехІебаэсли хІянчи бетааб Набигулла МяхІяммадовичла ва илини бекІедешдируси педагогический коллективла!

П. Маллаева.

## ГІЯХІТИ ХІЯНЧИ ДАРИБ

Ахъушала шилизисси Устаз ГІяли-ХІяжила уличилси къакъа дахъал дусмазиб хІеруди чебетхІеили кавлули, хъярхъти забли ва кадулхъути хІуркІибани заябарили, сецад вайси агилизиб лебрил ишад башутани гІяхІил бала.

Дагъистайзив хабардерхурси Ахъушан ГІяли-ХІяжила у бихуси къакъа къулайси агиличи бушес ибси пикриличил районна администрацияли ишархІянчи дехІдихъиб. «Стрела» биклуси, сунес Муслим Исякъовли бекІдеш дируси ООО-ла хІянчизартани иларти хІянчи къантІси заманала духІнар хъарахъур: 300 метрла бухъандешла 6 метрла бягІудла къакъа 200 кубометр бетонни кабуциб. Илди хІян-

чи дурадуркІухІели мякълаб хІербирути адамтала хъали-хъайгІи шин дукили, илдас шуртІри гІяхІ-диахъесра имкан бакІиб.

Ахъушала шила администрацияла харжаначил дарибти илди хІянчиличиб лаг-катхІел башути адамти дебали разили саби.

Районна центрлизир 2019-ибил дуслизир къакъурби ва гъундури къулайси агиличи дуршанила шайчир гІяхІцад хІянчи дурадуркІиб. Адамти дебали разибиуб хІеркІла дублабад дебадеш барибхІели, школализи башути дурхІнас халаси мяхІкамдеш гІеббуциб.

А. МяхІяммадова.



ИшбархІи школала директорла хІянчи дегІлара жавабкартазибад ца саби викІаллира къяна бетхІерар: челис-че цІакъдикІули сари багъуди кайсахъниличи гІалабуни, дурхІнас биалли бахъалгъунтас бучІес дигули ахІен, белчІудиличи иштхІ адикъес бажарбикесли бузес гІягІнили саби учительти, учительталара декІар-декІарти масъулти камдирули хІедийни сабабли директорлис ил масъалаличилара гъар бархІи пикриикІес чевкъу-



Суратлизиб: Ахъушала шилизисси сагабарисси къакъа.



Челябкьла шаласи биаб!

## РАЙОН МАШГЪУРБИРУТИ



Суратлизиб: Ахъушала районна фольклорла ансамбльла бутлакьянчиби.

Ахъушала районна культурала хянчизарти дахъал дусмазиб машгурти саби чула пагмуртачил, халкьани ургарти, Россияла духнарти балбуцуназир бутлакьяндеш дирниличил. Илдани касибти дипломти, грамотаби, баркаллала кагурти цаладяхъялли гяхлил халаси выставка барес вирар. Чули гямрулизиб чебиклибси санигъатлис марли, сегъуна - дигара заманализиб, яни биаб, дуцрум диаб, иличи херхлебиклули, гъйичи дурабухъес ва чула пагмур-

тачил адамти разибарес хядурти хянчизаргас баркалла хлейкес хлейрар. Илдала дугилизибад саби Пирдаус Хияжимяхияммадова, Кумсият Гяхимадова, Зульфия Рабаданова, Индира Рабаданова, Жумяг Гялиева, Жумяг Мирзаева, Саняг Къараева, Салимат Мусаадаева, Мусалхан Къурбаняхияммадов, Хияжимурад Мусаадаев, Сягядулла Къараев, Къазанак Къадигъмаров, Гябдуразакъ Мяхияммадов ва цархилти, лебилра гъанбушес хлейрар,

лебтасалра диаб сагал дуслизир дахъал разити бурхлини! Ишди бурхлизиб Россияла Федерацияла культурала Министерстволу, Россияла культурала Фондлу, Дагъистан Республикала культурала Министерстволу ва республикала пагмуртала Юртли Расул Хиямзатовла уличилси Миллатла библиотекализиб дуслу ахирличиб дураберклибси форум-фестивальла бутлакьянчиби-ургаб Ахъушала районна фольклорла коллективра лебри.

--Ишаб гъалабихибси проект, «Нушала гъадатуну» ибси уличилси, цалабикитас дебели гяхлибизур,--бурули сари районна культурала, жагъилтала политикала ва туризмала управлениелизисибсидурхлинала пагмуртала Центрла руководитель Жумяг Мирзаевани.— Нуни ва управлениела бекли специалист Фатима Гябдуллаевани чебетаахъили бурра нушала районна шимазир дузахъути гъадатуначила, байрумтачила, някъла хянчурбала шайчирти устадеш ва гъаларла гяхли гъадатуну сагадарес багъандан бируси хянчиличила. Форумличиб Ахъушала районнизиб туристунас хасдарибти мераначила видеоролик, 9 журала миллатла палтар чедаахъибтири. Хербиклути халаси разидешличиб хъатбикли «Ахъуша» ансамбльли дарибти делхълис. Гъаладихъибтири някъла хянчурбара.

Ахъушала районнизибадси коллективли илаб гяхлиси къимат касни пахрубареси аңцубукъ саби. Сагал дуслизибра гяхлисицун хабарлизиб бураб Ахъушала район!

П. Маллаева.



ГАЗЕТАЛА  
БЕК1 РЕДАКТОР  
П.Ш.МАЛЛАЕВА  
8-260-21-2-20



БЕК1 РЕДАКТОРЛА  
ЗАМЕСТИТЕЛЬ  
М. М. МЯХИЯММАДОВ.  
Тел. 8928-872-58-85



АДРЕС:  
368280

АХЪУШАЛА РАЙОН,  
АХЪУШАЛА ШИ.  
«БАРХЪДЕШЛА ГЪУНИ»  
ГАЗЕТАЛА РЕДАКЦИЯ.  
сайт: [put-istiny.rf](http://put-istiny.rf)  
эл.почта: [put-istiny@mail.ru](mailto:put-istiny@mail.ru)



ГАЗЕТА  
КАБЪАХЪИБСИ САБИ  
МЯХИЯЧЪАЛАЛИЗИБСИ  
«ИЗДАТЕЛЬСКИЙ ДОМ  
ДАГЕСТАН»  
ТИПОГРАФИЯЛИЗИБ.  
АДРЕС  
ИЗДАТЕЛЯ И ТИПОГРАФИИ:  
РЕСПУБЛИКА ДАГЕСТАН  
ПР. ПЕТРА ПЕРВОГО, ДОМ №61  
ТИПОГРАФИЯ «ИЗДАТЕЛЬСКИЙ  
ДОМ ДАГЕСТАН»  
Т. 88722-65-00-51.



ГАЗЕТА  
ЖУМЯГ1 БАРХИ  
ДУРАБУЛХЪУСИ САБИ



КЪУЛБАСБИРУСИ ЗАМАНА  
17 СЯГ1АТ.  
КЪУЛБАСБАРИБСИ  
ЗАМАНА 17 СЯГ1АТ.



АВТОРТАНИ  
ЧУЛА МАТЕРИАЛТАЛА  
ХЛЕКЪДЕШЛИС ВА  
БАРХЪДЕШЛИС ЖАВАБ  
ЛУГУСИ САБИ.



ГАЗЕТАЛИС  
КЪУЛБАСБАРЕС ВИРАР  
ДИГАЛЛИ ПОЧТАЛА  
ОТДЕЛЕНИЕБАЗИБ,  
ДИГАЛЛИ РЕДАКЦИЯЛИЗИБ.  
ГАЗЕТАЛА ИНДЕКС 51345

Тираж 1000 экз.



## ЧЕБЕТАИЛИ БУЗЕС КЪАЙГЪИЛИЗИБ

Ахъушала шилизибси Централизованная библиотекала заведующая Жамиля Гябдуллаевачил ихтилатбарра.

**-Жамиля Мяхияммадовна, библиотекализи дурхлини башулив?**

-Дурхлини башули саби библиотекализи, хлерила глергъи имцали бирар, дурсрачибад чарбиубхлели. Библиотекализир детурхути шадлихъуназирра, конкурсуназирра илдани жигарла бутлакьяндеш диру. Библиотекализи халати адамтира бирар башули,

**-Библиотекализир сегъунти шадлихъуни дурадурклурая?**

-Нушала план хиясибли лерилра байрумгас хасдарибти шадлихъуни дурадурклура, назмурти дучлутала конкурсуни, поэтунала, писательтала, жузала юбилейти, жузала выставка детурхути сари.

Дунъяличив машгурси поэт Расул Хиямзатов аклубхлейчирад 96 дус дикнилис хасбарибси балбуц бетехур. Машгурти бурхлинас хасдарибти ва дахъал цархилтира байрумгас хасдарибти шадлихъуни детерхур библиотекализир.

Чебяхлиси Чедибдешла бархли «Бессмертный полк» биклуси балбуцлизирра бутлакьяндеш дарра. Россияла ва дурала улкнала поэтунала,



Суратлизиб: ЦБС-ла хянчизарти библиотекализиб бетурхуси балбуцличиб.

писательтала юбилейтас багъишладарибти шадлихъунира дурадурклура. Нушала библиотекализир мурталра жузала выставкаби лерти сари, илди чедаахъес нушани библиотекализиб экскурсия бируси саби дурхлинас.

**-Библиотекализир детурхути шадлихъуназир чили бутлакьяндеш дирули?**

-Библиотекализир детурхути шадлихъуназир бутлакьяндеш диру культурала, жагъилтала политикала ва туризмала управлениела хянчизаргани, Ахъушала урга даражала 1-ибил, 2-ибил номертала школабала бучлантани, учительницаби Наида Хусейновани, Жамиля Халикъовани, Сакинат Гямаровани ва цархилтани.

**-Терроризмаличи ва наркоманияличи къаршити сегъунти балбуцуну детурхули библиотекализир?**

-Сентябрь базличиб Ахъушала урга даражала 1-ибил номерла школализиб «Беслан... Ангелы не умирают» биклуси терроризмаличи, экстремизмаличи къаршиси балбуц бетехурсири, илизир нушанира бутлакьяндеш дарра. Терроризмаличи, наркоманияличи къаршити жузала выставкаби, ихтилатуну детурхути сари библиотекализир школабала бучлантачил, терроризм ва наркомания сегъунти вайти секлал сарил балахъути.

Наркотикуначи къаршидешла бархлира нушани балбуц дураберклура «Защити себя сам!» биклуси.

**-Шимазирти библиотекализиб бузуги бахълила хянчизартачила бурили дигахъаси.**

-Дахъал дусмазиб жавабкарли, чебетаили, чучи хъарси хянчи даимбирули бузули саби Хиямшимала шилизибадти Асият Гялиева, Зугъра Хияжигялиева, Глантирадси Хамис Маллаева, Бутрирадси Патлигат Исмягилова, Тебекмахъилизирадси Патлигат Къурбанова, Шукъдирадси Хамис Къурбанова, Мухлирадси Гулбарият Рашидова, Чебяхли Хъаршлирадси Патлигат Гямарова, Къассагумахъилизирадси Сакинат Гялиева ва цархилтира.

С.Гябдуллаева.

## ПОДСТАНЦИЯЛА ХЯНЧИЗАР АХЪУШАН ГЯЛИЕВ ГЯЛИС

Хутла арц дурчул Гяли,  
Сайри серхурси къаплан,  
Шантала урклиби иргъан  
Хлу сайри илдас лиглат.

Ахъушантала чихъдеш  
Ахъбарили бихлури,  
Барх бузутас гибратла  
Баркъудлума урлури.

Авид -ургав гякълукар,  
Хянчилизиб пагмукар,

Тамашала хянчизар  
Ахъбиклаб хлела хабар.

Хлечи мешубиахъес  
Хябилра дигахъаси,  
Гъар мерличиб бузуги  
Хлугъунти хянчизарти.

Вари, урши, батмайд  
Верхел дус бихул ургур,  
Районна халкъла ургав  
Ветарудну багъадур.

Деза риклура ну хлед  
Вархъли узул ахъушан,  
Шила шанти, бухънаби  
Глебурцул къугъал сарган.  
Жумяг1 Хияжигялиева,  
Бутрилла ши.



ГАЗЕТА ХАЛКЪЛИЗИ МЯГ1НИ-Х1ЯЛ ДАЛАХЪУТИ Г1ЯГ1НИАХЪЛУМИ ЛУКЛУСИ ВА ИЛДАЛАРА ПЕЧАТЪЛАРА Х1ЕКЪЛИЗИБСИ РФ-ЛА ЗАКОН БУЗАХЪНИЛИЧИ Х1ЕРУДИ БИРУСИ ДР-ЛА УПРАВЛЕНИЕЛИЗИБ БЕЛКЛУНСИ САБИ. БЕЛК1НИЛА НОМЕР-ПИ №ТУ05-00319